

անտեսականը եւ առողջութիւնը լիովին քայքայուած էր, ինչպէս կիսակործան են թորդումի բերդերն ու ամբոցները, աշտարակները, վանքերն ու տաճարները: Բարոյապէս եւ անտեսապէս հիւժուած այս ժողովուրդը ապրում է նախնիքներից մնացած այգիների եւ պարտէզների բերքերով, որոնք տարուց-տարի չորանում, նուազանում են ինչպէս նուազում է, չքանում բնակչութիւնը: Սեռական քրոնիկ ախտերով վարակուած, հիւժուած այս ժողովուրդը ո՛չ բժիշկ ունի, ոչ դեղագործ, ո՛չ ուսուցիչ ունի եւ ո՛չ դպրոց. սպասում է մահին կամ աշխարհավերջի Մահդի մարգարէին, որ փրկուի: Պատերազմից առաջ 23 Հայ գիւղեր կային այս գաւառում, որոնք շատ էին օգնում սրանց, արհեստներով, վերաբուժութեամբ եւ դեղերով. բայց նրանց նպաստից էլ զրկուեցին, շնորհնւ Իհթիհատի ծրագրած հայկական կոտորածներին: Հայ գիւղերում կային արհեստաւորներ, որոնք շատ չնչին վարձով լրացնում էին Իսլամների կարիքները. բայց այս օր էշ պայտող էլ չունին, դանակ սրող էլ չկայ ամբողջ գաւառում: Երկրագործը շինարար ձեռքերի կարօտ է, ո՛չ թէ շղթայ հիւսող, այլ ճոպան ոլորող մազման էլ չեն գտնում:

Ճամբորդը թորդում չհասած մի քանի բոպէով հանգստանում է այն Խանի մէջ, որը դարերով ծառայել է. բայց վերանորո-